



حركة التحرير الوطني الفلسطيني - فتح  
إقليم استراليا



## تمرّة رمضان

### العدد الرابع

#### شراب قصب السكر

عصير قصب السكر المكوّنات  
قصب سكر حسب الكميّة التي  
يرغب الشخص بإعدادها.  
خمس ملاعق من العسل  
الأسود. كوب من الماء. حبة  
متوسطة الحجم من الليمون.

#### ماء الأرض

الماء الذي خلق مع خلق الأرض، ويظل  
في دوره ثابتة حتى قيام الساعة ... يقول  
تعالى في الآية رقم 18 من سورة  
المؤمنون بسم الله الرحمن الرحيم  
(وأنزلنا من السماء ماء بقدر فأسكنناه في  
الأرض) صدق الله العظيم

#### كرايبج حلب محشية

المقادير: كوبان وربع من السّميد. كوب وربع من  
الدقيق. ربع ملعقة صغيرة من الملح. ملعقة كبيرة من  
الخميرة. ثلاث ملاعق كبيرة من زيت السّمسم. ثلاثة  
أرباع كوب من السمن. ربع كوب من الماء. ربع كوب  
من الحليب. الحشوة: كوب من السكّر. كوب من جوز  
الهند. ملعقتان كبيرتان من ماء الزهر. مكسّرات  
مفرومة. قرفة وقرنفل.





حركة التحرير الوطني الفلسطيني - فتح  
إقليم استراليا



## شعرات البنات

حكاوي

ستي

تعالى يا حبيبتي أمشط لك شعرات وأزيد حالاتك بدل ما هو شعرك منكوش زي إللي صاحية من النوم؟ بديش إنتي بتوجعيني لما تمشطي لي بعدينش أنا بحب شعراتي يكونن هيذ منثورات نثر هيذ أحلى وبحس حالي ينت عجد وبقاهر اللي شعرهن قصير، زي ما بدك بس شعرات البنات بتحملنش لا ضو ولا هوا بدهن ديرة بال كئا إنكيس شعراتنا بالكل طول إنهار ولما نروح من الحراثة كئا نحممهن بالزيت بعدينش بالصابون لحد ما يصيرن مثل الحرير وأكيد طول الليل جواة الدار بكون شعرنا منقول وفرجة وأهالينا ينسطن من حلاة شعرنا، وأيام ما نطلع مشوار كئا نقعد نعمل بشعراتنا العمايل، مرات ذنبة فرس مع شرايط حرير ملون ومرات قرون معزة مع شنابر مطرزة ومرات كعكة مدورة مع خرز أزرق وأحمر ومرات جدائل على جنبين بكون جواتهن سلاسل فضة وذهب، هيذ كئا نعملهن والشاطرة إللي تعرف إيش تعمل بغوايشها وإللي بتعطيه إياها أمها وخالاتها، أه خالتي كانت تعطيني بكل الأشكال والألوان وتكلي لي هيذ بتتفع مع تسريحة الكعكة وهيذي لتسريحة القرون هيي علمتني شغلات كثير، ومرة من المرات شعراتي مرضن وتعين كمل وسيبان قام خالتي غسلت لي إياه بالكاز وظلت كل فجرية تصحى تلقط إللي ظل بشعراتي وهو سيبان لما بموت ببيض وهو بنازع عشرين هيذ كانت تلقطه من راسي وتمعسه بأصابعها.

يا ستي إنتي كديمة إكثير هلقيت التسريحات بنعدنش وكل يوم في موضه شكل وهبل البنات بخلصش وكل ساعة بتعمل تسريحة شكل، والكل إمعيبات السوق. أنصتي وبكفي حكي هبايل الوحدة لازم تعمل شغلة من راسها مش تشوف البنات شو بعملن وتعمل مثلهن، كل بنت بتحس بشعراتها وتعرف كيف تعملهن حلوات، ومش كل موضه لأي شعر، وليش تعملي مثل البنات خلي البنات يعملن مثلك، أنا بحبك أكون زي ما أنا بحب مش مثل ما الناس بتحب، هيذ بتصيري تحسي بشعراتك وتصيري تعرفي تبيني حالاتك

تعلم أن :  
المحامي يتمنى لك المشاكل!  
الطبيب يتمنى لك المرض!  
الميكانيكي يتمنى تتعطل سيارتك!  
نقط اللص هو من يتمنى أن تكون لك ثروة.  
تمنى لك نوما هادنا وعميقا.





حركة التحرير الوطني الفلسطيني - فتح  
إقليم استراليا



## خرافية

### غولة البير


كان يا مكان في بنت إلهها خمس إخوان إمهن وأبوهن ماتوا وهيي زغيرة، كانوا إخوانها مشحرين بشتغلوا إقلاعية عند الفلاحين، يعني بحرثوا وبزرعوا بأرض الفلاحين بالأجرة، ومرات كثيرة كانوا إخوانها ما يلاقوا شغل بالقرية إللي ساكنين فيها، كانوا يشتغلوا بالقرى إللي حوليهم، يعني كانوا يطلعوا على وذان الفجر ويرجعوا ع وذان المغرب ومرات ما يصلوا لحد وذان العشاء، وأختهم كانت ادير بالها على الدار، كان عندها خم جاج وحبش وحمام، وكمان كانت تزرع بحاكورة دارهم خضرة وبصل، كانت تعين إللي تعينه إلهها وإخواتها والباكي كانت تبيعه بالسوق. كان عندها بير مي ورا ظهر الدار كان يتعبى ويطوف بالشتا ويكفيها لآخر الصيف، بس بالخريف كان لازم تروح تشتري مي أو تطلع على بير الخوانيك إللي بכולوا أنه ساكنيته غولة دم، هاي الغولة كانن كل بنات القرية يعرفنها إنها مثل البعوضة بتمص دم أي بنت بدها تعبي من البير، يعني مش كل دمايتها شوي زغيرة كإنها قرصة بعوضة، وعشرين هيد كانن البنات ما يروحن على بير الغولة إلا لما تخلص مية إبيارهن، أما المي المشتري فهي للقادر المقدر مش للفقير إللي بقول يا رب السترة.

مرة من المرات طلعت البنت مع صاحبها تا يعين مي من بير الغولة، وهي كانت تكول لصاحبها عبي جرتك من بيرنا ولما نقطع الله بحلها، بس صاحبها كالت لها: ليش خايفة كلها قرصة زغيرة وبصير عندي مي، بعدينش إذا عبيت من عندك إنهار رح أخجل أعبي كل إنهار وإنتي بتكوليلي أنه نص كيلتك بتطلع طين يعني بيرك قرب يفضى، فتعالي عبي معي قرصة إلك وقرصة إلي وبنعبي جرتين مي بردن الروح. ولما وصلن على البير قامت صاحبها مدت إصبعها وصيحت قبل ما تنقرص بس برضه قرصتها الغولة وخلتها تعبي جرتها، بعدينش قربت البنت ومدت إصبعها قامت الغولة قرصتها ثلاث قرصات وهيي صارت اندمعت من الوجع، طلعت الغولة كالت إلهها دمك أركى منه فش بكل القرية، أنا رح أرحل على بير دارك وعبي مي حتى أظل جنبك. وثاني إنهار شافت بيرها طافف مي وقربت بدها تعبي منه قام قرصتها الغولة ثلاث قرصات وقالت لها: إذا بدك تسقي القرية كلها أنا بملي الدنيا مي، بس خليني كل إنهار أقرصك ثلاث قرصات، قام كالت البنت لكل بنات القرية ييجن يعين مي من بيرها من غير قرص ولا يجزنون، وصار بيتها ما يفضاش من البنات وكل وحدة تجيب إلهها غرض يا أكلة أو حوايج إلهها، لأنها كانت أفقر بنت بالقرية.

بعد كم يوم صار وجه البنت أصفر وحركتها كسلانة وكانوا إخوانها يכולوا كنها مريضة، بس سمعوا من الناس أنها سگنت الغولة بالبير وإنها بتمص دمايتها كل إنهار، قام أخوها الزغير كال: هيد مش عدل لو أنه كل يوم وحدة من البنات تنقرص مرة بصير أريح، راح حكى مع الغولة بس الغولة ردت عليه: دمايت أختك أركى دم بالقرية، كال إلهها: طيب ذوقي دمايتي؟ ردت عليه: بديش أنا ما بدى إلا دمايت أختك. وبعد كم إنهار كانت البنت بتزحف بزحف مش قادرة توقف شافها أخوها هيد، كمان حملها ورجعها ع الغرفة وكالها: جيب المي علي أنا لو بدى أوصل طبريا رح أجيب لك مي، وخلي كل واحد بالقرية يدبر حاله، وصار أخوها يجيب المي مشتري من العين وبعد كم إنهار رجعت الغولة على بيرها بالخوانيك بس خلعت بير البنت مليون مي، وكالت لأخو البنت خليها تطل علي لو مرة بالسنة.



حركة التحرير الوطني الفلسطيني - فتح  
إقليم استراليا



### رواية المأدبة الحمراء

- المؤلف : محمد أبو زياد

أول رواية بوليسية في فلسطين. يقع الكتاب في 246 صفحة من القطع المتوسط. وجاء في تظهير الرواية أنها "تعرض واقع حال نخبة مالية وجرائمها لقاء زيادة مقتنياتها ومكتسباتها وطبيعة المنافسة المميّنة لحيازة ما يعد كنزا." صدرت عن دار البيرق العربي للنشر والتوزيع، ودار الرعاية للدراسات والنشر.

صدر

حديثا

## فراشات فلسطين

الاسم العلمي

**Carcharodus**

كارتشرودس

